



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

18 g Odo Cluniacenser Abt vund Reformierer.

urn:nbn:de:hbz:466:1-41449

nach dem H. grossen S. Martino den Bischofflichen
Sitz zu Turon verwaltet/ War von Aluernia geboren/
bawet vil Kirche/ schrib vil Bücher/ war klein in der Per-
son/ aber groß in weisheit vñ zaichen/ verschid entlich im
freid/ vnd ward zur lincken seitten S. Martini begraben. Anno Dñi

Item in Engeland die erhebung des H. Erconwal- 598.
di/ Bischoffs zu London vnd beichtigers.

Item in Engeland der heyligen Junckfrawen vñnd
Ebtissin Hilde/ welche vonn wegen der grossen frömb-
keit vñnd gnad/ von jederman/ der sie kennet/ ein Müt-
ter genennet ward/ wie Beda schreibet/ gab den gegen-
wertigen in ihrem Kloster lebendigs Exempel Gaisstlich
zuleben/ sa bewogte auch zum Hail vñnd besserung die
Abwesenden. Anno Dñi
630.

Item des H. beichtigers Seueri.

Item der H. Junckfrawen Teele.

g xiiij. Calend. Decembris.

Der XVIII. tag im Weinmonat.

Gut ist der achte tag des H. trefflichen vñnd gros-
sen bischoffs Martini.

Item zu Antiochia der Geburtstag des H.
Romani/ welcher zur zeit des Kayfers Diocletiani/ als
ein Haidnischer Pfleger Asclepiades mit gewalt inn die
Kirch fallen/ vnd dieselben zerstören wolt/ die gegenwer-
tigen Christen seep ermanete/ das sie sich wider den ge-
melten Pfleger setzen solten. Auß der visach ist er an ein
Ram auffgehengt/ vnd an seinen Mund mit Steinen
geschlagen/ vñ dieweil er den Christlichen Glauben mit
einem Knaben Darulus genante/ bestetiget/ darumb

Kx ij

der

November

Anno Dñi
288.

der Knab in anschawung seiner Mütter / mit eyssen Beerten geschlagen / auffgehengt vnd gestreckt / vnd endtlich enthaupt wordt. Romanus aber / nach abschneidung der zungen vnd andern martern / in der Besencknuß erstekt ward.

Anno Dñi
299.

Item auch zu Antiochia des H. Hefichij / welcher ein Kriegsmann war / vnd als ein Gebott außgieng / daß / wer den Abgöttern nicht opfferte / seiner Kriegshehen vnd des lebens beraubt solt werden / verließ er das Kriegen / vmb des Christlichen Glaubens willen / vnd ein grosser Mühlstein ward ihm an die rechte Hand gebunden / vnd er in ein Fluß geworffen / vnd also getödtet.

Anno Dñi
420.

Item des H. marterers Dicolii / vnd seiner Gesellen / welche in der Wandalischen verfolgung vmb ihren Catholischen Glauben gelidten haben.

Anno Dñi
390.

Item zu Rom des H. Papsis vnd beichtigers Gelasii des ersten / auß Aphyrica geboren. War ein grosser Liebhaber der Armen / ein vast dapfferer vnd hailiger Mann / der den Göttlichen dienst in der Kirchen geziert vnd gemehret / auch vil geschriben vnd gethan hat wider die Ketzler Eutychem vnd Nestorium / als er vier jar löblich die Schaaf Christi geweydet het / verschid er endtlich im Friden / vnd ward am 20. tag diß Monats in S. Peters Kirchen begraben.

Anno Dñi
320.

Item zu Rom die Kirchweyhung der H. Apostel Petri vnd Pauli / welche beyde Kirchen von dem Kayser Constantino gebawen / wunderbarlich begabet vnd gezieret / vnd von dem hailigen Papsi Siluestro auff den tag geweyhet / auch mit grossen Ablass begabet sind worden.

Item inn der Statt Luca / inn Luscia gelegen / die begräbe

Febricant / in heyligkeit des Lebens vnnnd preiß der wunderwertk fürtrefflich / vñ gegen den Armen gar barmherzig / vnderwise sein Volck trewlich mit dem Wort vnd Exempel / verschid auch im friden. Von ihm schreibt S. Gregorius.

Anno Dñi
320.

Lib. 3. Dialog.

Item in der Statt Constantia / in inferiori Normannia, des heyligen Bischoffs vnd Beichtigers Rumpharij.

Item des heyligen Abts Ronbolf.

Item zu Paris in dem Conuent der Apostel Petri vnd Pauli / der Geburtstag der heyligen Aude.

Item zu Rom die begräbnuß der heyligen Jungfrauen Eusebie.

Item zu Antistodoro die Kirchweyhung S. Germani / sampt den obern kufften.

Item in dem Kloster Confluentis des heyligen Beichtigers Floini.

A xiiij. Calend. Decembris.

Der XIX. Tag im Wintermonat.

Zu Rom ist heut der Geburtstag des H. Priesters vnd Marteners Maximi / welcher in der Maximianischen verfolgung mit mancherley Peinen gemartert / vmb Christi willen vilfeltiglich geschmecht / folgendts enthauptet / vnnnd bey S. Sixto begraben ward.

Anno Dñi
290.

Item des heyligen Bischoffs Crispini / welcher in der Statt Astigensi durch enthauptung vmb Christi willen der marter ehrlanget hat.

Ex iij

Item